





青山集目錄

卷五

次韵和孔周翰侍郎洪州絕句十首

金陵

漢者

瑯琊道中

懷文忠公

日公綠羅菴

示秦鑿二首

和風長老龍井

再至汀洲倅宅南樓二首

聞笛

再登南樓懷元輿三首



書陶弘景傳後

次韵元與十絕

谷省師詩卷

休師携茶見過二首

寄伯華法曹

食紫萁赤鱗示王博士二首

和休師見懷二首

李伯<sup>華</sup>見過小飲二首

陳老父携茶見訪因留小飲二首

病中寄休師三首

所居

休師惠雪筍

謝阮幾聖惠大蠟

津梁方丈

月下懷廣勝華師

題華師院壁

全師惠詩

百歲王姥自云平生未嘗服藥

酒海吾飲器也

寄顯仁秀才二首

君儀惠玳瑁冠犀簪并分泉守茶六餅二首

寄王丞相荆公

荆公和答

東坡荆公作

次韵和上荆公

原武按堤雜詩六首

書景德寺

君儀惠莆田陳紫荔乾即蔡君謨謂之老楊

妃者二首



崇因老禪詮公携詩見訪

安止同登王園葆光閣二首

訪林居士

和安止登山

白蓮日師北軒

齊公長老臥雲軒二

秀公見喜僧飯二首

國清院

送李伯華

送吳山人二首

阮師旦希聖徹垣開軒而東湖仙亭謝的諸

山如在掌上予為之名曰新亭蓋取景物

變態新之無窮之義賦十絕句

次韵安止春詞十首

又和

訪隱者

題蘓紫霞選仙集後

謝陳國昌惠酒二首

半潭亭

城東延福禪院避暑五首

荔枝二首

寄資深承事行營二

淨惠寺清軒二首

七夕不飲

和子中脩撰石盆題壁

和子中忘歸軒

和子脩撰石盆轉輪藏

弔梅聖俞墳

太平天慶觀題壁五



九月蓬萊亭周彥達節推酌發

永安榮仲謀秘校訪別三首

達觀臺黃魯直名之二首

靖節真像乃庸畫思得伯時貌之遂以一絕

寄簡

招德觀見老道士李如海年八十六矣

與吳子正言懷

承天院清輝閣

丁卯十月十日遊開先瀑布絕流

寄吉守李獻父二首 次芙蓉渡和穎叔

次南安驛和穎叔脩撰舊題

次凌江先寄太守黎東美二首

次曲江先寄太守劉宜翁五首

次五羊先寄帥公穎叔

聞五羊今歲有雪口號寄穎叔脩撰

古羊江口

四恩禪院

仙庭觀

入清遠峽

出清遠峽

雙溪呈帥座穎叔

和穎叔別後見寄

雨霽小飲示曾令



穎叔為余親札補到難并和篇開刻既成以  
二絕句送上

送王侃主簿棄官歸南城三首

再送穎叔待制度嶺 蒙詔許歸二首

別吳翼道運判 林和中家觀畫卷首

八月十六日携家玉笥山觀月覽穎叔待制見

見寄題絕句然公之往還終不暇遊也故

次其韵以寄穎叔

玉澗橋 入承天觀二首

出觀 次新淦先寄劉中叟

新淦西禪綠野庵

遊生米施真君觀閱李德素舊題五絕句遂

次韵和之

呈同行黎東美朝散 望廬山二首

廟灣夜泊 楮溪懷亡友張慎微

九日遊淨社院二首 羅漢院五老亭

入萬杉 出萬杉

香澗 靜明軒



無思軒

別尋真觀

逢東林舊僧

追和杜牧之貴池亭

觀德亭畫壁

寄耿天雋二首

桐城青山裴山人枉步見尋興盡遂歸

史克侍禁以簡問予小舟搖兀絕句謝

寺壁史侍禁畫竹  
西軒看山懷荆公

雨霽看小山  
辨山亭二首

再和裴材山人二首  
重題公純池亭

浮山阻雨二首  
喜雪呈守倅

贈嘯月崑吳居士  
撫鴻亭

遊西岩寺二首  
中方寺題壁

題潘温叟家藏戴牛畫卷二首

招陳守倪倅小酌  
書無想山先城屋壁

出城  
敵復午即惠酒

次韻楊侯見送遊峯  
舟經天門山

宿蕪湖口  
曉發

代刺訪歷陽孫守  
代刺別孫守公素

送菊與劉守漢臣  
送菊與倪倅敦復



望夫石

謝賈侍御惠酒

再送賈明叔侍御

宗公香瑩軒

次韻徐希臯解元送白蓮栽兼寄昭掾子美三首

藏雲寺酌泉  
次韻池守富仲容

莫謁王荆公墳三首  
狄倅伯通席上二首

壽寧禪院瓊花  
和啟復往池陽留別

弔明惠師  
別賈侍御二首

寄留二君儀  
寄新軒阮希聖

曉  
雨

月  
雪

西軒默懷敦復二首  
出城至龍泉院

院主老僧年八十三齋潔可喜遂贈二韻

城西阻雨寄純父  
浚浚泊臥病少愈言懷

玉蝶毬  
懷婦

睡  
笑

元輿以書酒見招  
奕

和北山泉老三首  
和僧詵見懷二首

訪華陽隱者  
雪次大澗



將至慎邑寄昂

峽石道中口占

過惠寺小栢

香社院

院庭松樹

三月三日

清明風雨懷光遠

慎宰練德符招飲僧舍二首

青山集卷五

當塗郭祥正字功父

次韻和孔周翰侍郎洪州絕句十首

誰知北客與春期乍見山桃一兩枝却憶洛陽行樂處賣花天氣晚晴時

漁船歸盡晚江空只有楊花冒細風多少春愁與春為恨君都付酒杯中

樓居且欲趁虛涼九月江風未變霜強把一樽開醉眼長安不見又殘陽



寸心無事自然灰不是南柯一夢迴水畔小樓無客  
到獨携筇杖等閑來  
行：楊柳古墻陰擺盡春風綠轉溪俯仰自能無一  
事何須投迹向山林  
江雲凝雨疾風過陣馬爭迴萬疊波平地看時真一  
笑鵬騰鰲倒欲如何  
為問荷華能白紅東湖遙想鑑湖同金龜換酒要佳  
客歸權須乘月下風  
不到天門未肯回重山複嶺一時開仙風桂露爭飄

洒襟袖都無世俗埃  
可憐一雨洗焦枯卷盡浮雲日上初獨倚高樓聊寫  
望骨清神爽欲凌虛  
東湖入望晚波平蒲葉圓荷各自青不用更尋徐孺  
宅編茅楮竹一碑亭

金陵

洗盡青春初變晴曉光微散淡烟橫謝家池上無多  
景只有黃鸝一兩聲

漁者

青山集卷五



從來生計托魚蝦  
賣得青錢付酒家  
一醉不知波浪險  
却垂長釣入蘆花

瑯琊道中

山頭蠟雪未全消  
山下春泉響石橋  
方丈不知深幾許  
馬行時有冷香飄

懷文忠公

平生最愛醉翁詩  
遊遍瑯琊想醉時  
一代風流隨手盡  
谷泉岩鳥不勝悲

日公綠蘿庵

一庵春靜綠蘿舒  
拂々香風宴坐餘  
只恐乘雲滄海去  
未應池水老鯨魚

示秦鑿二首

憂來何物可銷除  
幸與秦鑿校局圖  
白黑勢成分勝負  
不知柯爛得歸無  
門臨池水靜無風  
綠樹陰々小徑通  
時有秦生來過我  
一枰成敗漫論功

和風長老龍井

龍蟠井底待風雷  
誰謂無功洗旱埃  
昨夜山前行雨



足收藏頭角復歸來

再至汀洲倅宅南樓二首

一歲登樓只欲歸得歸人事信難知重來跨馬三千  
里樓上春風為我悲

樓外青山侶故人兩餘山色靜無塵青山依舊人還  
老一片離愁掛晚春

聞笛

何處佳人玉笛吹春風已過落梅時行雲不動殘陽  
下歡象悲愁各自知

再登南樓懷元興三首

欲上層樓足力微世情人事老方知離騷一曲何人  
會空使瀟湘鬼物悲

憂患欣逢賢故人南樓解榻振衣塵赤壺頻送兵厨  
酒滿酌能回老病春

朽株難倚暖風吹一日萌芽亦有時試上高樓南北  
望無私春力少人知

書陶弘景傳後

能辭朝市隱山中愛種青松聽好風不學許由長洗  
青山集卷五



耳謬為圖識悅蕭公

次韻元輿十絕

睡起

睡覺紗厨酒尚醺  
老來詩句怯題春  
冥搜一夜添華髮  
不認青銅鑑裏人

種竹二首

旋斲牆根數十尋  
瑯玕移種碧林林  
何須待得鸞凰食  
且欲炎天布好陰  
龍角犀尖一夜長  
為伶剛節不須香  
他時截作鯨鱗

釣豈止濃陰覆女墻

春歸四首

九十日春今日歸  
丁寧鸚鵡莫相疑  
明年信到梅梢早  
不但人心有改時

斷送春歸海水邊  
淡煙輕吹半晴天  
東皇若問人間事  
為報君王壽萬年

青春歸去豈無情  
分付朱明事已成  
為向殘年問消息  
再吹陽律到枯莖

誰道青春去未回  
我疑長在黃金盃  
只嫌花片隨流



水蕩漾無情喚不來

答省師詩卷

手携詩卷屢相過  
要把青銅垢盡磨  
言說從來無寔義  
更尋佳句欲如何

休師携茶相過二首

世情彈指旋成塵  
物外論交只與君  
試揀松陰投石坐  
一盃分我建溪雲

晚風吹坐忽生涼  
旋碾新茶與客嘗  
我本無心無所證  
沉煙何事結圓光

坐中香煙結成圓相放青黃白

三色寶光

寄李伯華法曹

同異從來勢所分  
感君怜我屢過門  
西風掃盡林間瘴  
更欲相要倒一尊

食紫萸赤鱗示王博士二首

辭家倏忽已殘年  
身世今為海上仙  
飽食紫萸香味美  
不知歸路隔三年

西湖寄榻絕逢迎  
唯只雲山似有情  
底事却忘遷謫恨  
江南無此赤鱗羹

青山集卷五



和休師見懷二首

幽棲新卜野僧隣  
憔悴誰怜舊史君  
幸有松声吹驟雨  
可須歌響遏行雲  
細路沿崖過女墻  
壓枝黃橘旋分嘗  
林間可樂無如此  
更問嫦娥借月光

李伯華見過小飲二首

伴我杯間倒一樽  
西湖紫翠變黃昏  
鳥還溪樹魚依藻  
客散樽空亦閉門  
感君飛蓋過雲林  
濁酒沽來取次斟  
冠幘欹斜傾醉

耳水聲松響洗塵心

陳老父携茶見訪因留小飲二首

有兒不娶如龐公  
香火傳家悟性空  
父子相扶俱白髮  
人間能有幾人同  
憐我非辜掛網羅  
手携筇杖數相過  
一杯得伴仙翁醉  
詭喙雖長柰我何

病中寄休師三首

南漳佛子素多聞  
穎秀從來更出群  
無量寶臺師化坐  
一盂香飯我來分



元無一物不須空寄語  
文殊任過從展轉形骸聊示  
疾坐分高廣頗相容  
僧窻寄榻新來車一飯供盤只野蔬  
癘鬼見侵寧有智我今皮骨已無餘

所居

營居未就借僧居  
貝篆翻尋頗食蔬  
獨步青苔人散後  
旋收红柿鳥分餘

休師惠雪筍

雪竹生芽玉一簪  
北人此味豈嘗諳  
病中得食勝牛

乳行矣阿難師勿慙

謝阮幾聖惠大蠟

感君風誼我何堪  
問遺時過州庵  
今歲未知霜蠟美  
一食還侶到江南

津梁方丈

轉山樓閣路相通  
屢得分經丈室中  
六入循元無重濁  
三緣故斷出樊籠

月下懷廣勝華師

下方遙憶上方僧  
素月青林隔幾層  
鐘磬声沉香篆



熄只應詩思冷如水

題華師院壁

邂逅營居得近僧  
唯師更住最高層  
半甌香茗浮春雪  
一飯寒蔬帶晚冰

全師惠詩

十里湖山紫氣秋  
師居独占一岩幽  
談經已許分吾坐  
更有新詩索獻酬

百歲王姥自云平生未嘗服藥

不服丹砂不養真  
老來天与健精神  
自怜五十垂頭

雪始見人間百歲人

酒海吾飲器也

紅浪滔天玉海春  
方壺有路可藏真  
長鯨一吸桑田變  
知是人間幾歲人

寄陳顯仁秀才二首

君家大阮最能詩  
又見麟孫出盛時  
筆力縱橫驅陣馬  
成才不患少人知

自憐破甑已無堪  
况復經年臥瘴岩  
忽得新詩慰勞落  
却疑仙露洒塵衫



以下卷  
二十八

君儀惠玳瑁冠犀簪并分泉守茶六餅二首  
玳瑁裁冠犀作簪正宜蕭散野人心從今頂戴拋烏  
帽一任秋霜兩鬢侵  
分送泉州太守茶團了紫餅社前芽從今不復憂煩  
渴時取甘泉煮雪華

寄王丞相荆公

謝公投老宅鍾山門外江湖去復還欲買扁舟都載  
月一身和影伴公閑  
荆公和答

且欲相邀臥看山扁舟自可送君還留連城郭今如  
此知復何時伴我閑

東坡荆公作

南蕩東陂水漸多陌頭車馬斷經過鍾山未放朝雲  
散奈此黃梅細雨何

次韵和上荆公

溝水回環蓮子多小橋時有野禽過舡移更近東陂  
去冉冉黃塵柰我何

原武按堤雜詩六首



隄防興作幾時休自笑羸駟不少留身與春風來鄭  
國心隨汴水到揚州無功便合歸耕去有命寧煩枉  
道求白日西沈更回首問人何處是重樓

原武城西看杏花紛紛紅雪委黃沙何如姑熟溪頭  
見照水蒙烟小謝家

黃塵蔽日晚風高兩日昏花客思勞却憶江南渙父  
樂河鮑入網采萋蒿

聖賢君相繼虞唐問罪戎夷復故疆不得一軍提將  
印漫來淤地閱隄防

白駒馳隙髮毛斑簿領紛々世愈難安得一軍提將  
印橫行西域斬樓蘭  
雲溶々風習々桃花露点燕脂濕青春歸盡人未歸  
原武岡頭時獨立

書景德寺刑法試官題名後

刑場訖事欲分隳猶有殘花恋故枝更遠庭陰行數  
匝九人重到定難期

君儀惠莆田陳紫荔乾即蔡君謨謂之老楊

妃者二首



莆田乾荔老楊妃誰在開元得見之却憶沉香亭北  
畔輕紅曾點頰黃衣杜甫云輕紅劈荔枝  
紅綃皮皺核丁香日曝風凝玉露漿不向海邊為逐  
客長安無此荔枝嘗

宗因老禪詮公携詩見訪

禪定安詳元契佛年華八十尚能詩何人斷臂來求  
法庭柏蕭蕭度歲時

安止同登玉園徐光閣二首

清風吹坐冷蕭蕭更有南溪透海潮白酒一樽須酌

酌荔枝紅映碧牙焦

海潮溪鷺絕纖塵酒浪燈花自在春醒眼莫嫌長醉  
客回頭俱是幻泡身安止素食不飲酒

訪林居士

門無車馬綠生苔今日軒窗為我開邂逅同為方外  
客得携筇杖等閑來

和安止登山

鬢髮鬢々一幅中可將身世寄浮雲人間禍患無如  
我物外逍遙只有君



白蓮日師北軒

家風清白世相傳  
自小能吟晚好禪  
瀟灑一軒無長物  
荔枝茶品寫遺篇

齊公長老臥雲軒二首

雲本無心師亦閑  
身即臥白雲間  
白雲不減身長在  
時往香臺請供還

安詳禪定悟塵勞  
放去收來沒一毫  
門掩白雲聊盡臥  
世間言說付兒曹

秀公見喜飯僧二首

百年光景逐飛螢  
會脫塵勞只有僧  
一飯聊為清淨樂  
福田求報我何能  
審觀六入本來空  
覺海迷波理亦同  
滿鉢香秬聊共飽  
此緣不落有為中

國清院

溪、樓殿妙峰攢  
竹露松風夏亦寒  
莫道西湖近  
乾淺此中曾有老龍蟠

送李伯華

患難相親侶子稀  
倏然分手重傷悲  
官閑宵憶西湖



上淡月寒梅只自知

送吳山人二首

邂逅相逢瘴海頭  
白雲黃菊漫遲留  
他年江浙能尋我  
我多在蘆花擬釣舟  
生死波中止一漚  
離家失子已忘憂  
只思北苑春芽熟  
安得騎鯨逐俊遊

阮師旦希聖徹垣開軒而東湖仙亭謝的諸

山如在掌上  
牙為之名曰新軒  
蓋取景物  
變態新  
無窮之義賦十絕句

群山高下侵湖湄  
暝靄朝霞物  
新驛道更穿東北  
去青銅影裏看行人

東湖似水鑑湖明  
紅白荷花自在生  
只有香風吹客座  
更無煩暑到簷楹

軒窗得地向湖開  
要路登臨共一盃  
白鳥探魚長不去  
不嫌幽鳥等閑來

一軒正在碧湖傍  
蓮子枯時荇菜香  
最愛夜深鷗鷺散  
釣舫明日侶瀟湘

湖外青山案几橫  
卷簾幽坐少逢迎  
一鉤香餌看魚



上萬頃金波待月生

一湖綠水當窗淨  
百里青山卷箔開  
只恐夕陽催客去  
不嫌幽鳥趁人來

一炷沉煙一案書  
伶君重葺紫霞居  
溪山朝暮能新美  
世慮塵緣并掃除

鋤去蒿萊地勢平  
開軒瀟灑瞰東城  
山湖變盡朝昏景  
只欠青猿一兩聲

誰知城郭有山林  
選勝營居遣壯心  
一片遠烟添暮色  
數聲啼鳥變春音

仙庭射的聞崔嵬  
紫翠飄飄落酒盃  
更待春陰須一往  
要看雷雨過湖來

次韵安止春詞十首

尋春行過古城東  
春氣先從海角通  
池艸怯霜拳嫩綠  
山飛迎日展新紅

池塘新水碧泱泱  
楊柳牽風綠線長  
已信形骸隨野馬  
不思功業到岩廊

一聽春声只自悲  
山山相應鷓鴣啼  
却尋花島看花處  
水上紅雲數片低



一杯濁酒覽春光，人世紛紛任短長。  
細草自勻新歲綠，落梅猶散去年香。  
雲影暮時鶯語低，花枝深處蝶魂迷。  
青樓不遠要佳客，錦纜牽船更向西。  
草色蔥蒼遍塚丘，花枝紅白倚城頭。  
憑誰喚取王摩詰，畫出傷春一斷愁。  
茸、綠芷香先吐，點、緋莢萼半敷。  
却憶江南江水滿，一條晴練接天鋪。  
數行徙倚迎風流，幾樹參差照水花。  
最惜去年梁上

燕曾隨春色到貧家

青春又送一年來，不道春霜兩鬢催。  
春淺春深春自老，且將懷抱向春開。  
花間遊女聞明粧，馬上誰怜白首郎。  
社叟從今歌擊壤，詩人不用嘆繁霜。

又和

閑禽語弄輕風決，田流上下通行過。  
小橋穿竹塢山花，時見一枝紅。  
無數幽花覆水香，一條輕素引烟長。  
客情春恨却銷



盡把筆題詩獨逸廊  
新鶯求友出林飛穀  
催耕着處啼野渡無人芳艸  
碧前山欲雨暮雲低  
斜日會扶嵐氣暖好風能送笛聲長倦投芳艸人  
醉流出殘花澗香  
花枝自倚青春咲客恨須憑濁酒迷望斷夕陽無問  
處只今應照故園西  
春事須臾不可留花枝爭上少年頭欲乘舴艋凌波  
去何處佳人似莫愁

花笑鶯啼酒可沽山光水影淡烟敷垂柳欲碍春歸  
路更放輕綿匝地鋪

營巢新燕驚重幙採蘂嬌蜂避落花着風光濃似酒  
行人何事苦家思

尋春春、惜春回四序相新一氣催  
飛李無言貪結子野棠閑淡為誰開  
盈筐鬪草紅裙女  
彈袖看毬白面郎  
歸去不嫌清夜冷  
李花枝上月凝霜

訪隱者



一徑沿涯踏蒼壁半塢寒雲抱泉石  
山翁酒熟不出門殘花滿地無行跡

題蘓子紫霞選仙集後二首

六博成書意在仙每要佳客造玄天  
不由功行渾由彩一局升沉亦偶然  
知君本是紫霞仙夢入瑤池泛酒船  
功行已成真馭遠却嗟塵世閱遺編

謝陳國昌惠酒二首

平生愛酒養天真醉眼聊為混俗人  
玉斗貯來紅浪

溢感君添我海中春  
欲瀉瓊漿洗我憂玉壺分送不知休  
醉來一覺還鄉夢看盡江南二十州

半漳亭

飛簷赤白壓層兵見盡江南一半州  
倦步且來消午暑穿雲此去徹鰲頭

城東延福禪院避暑五首

榕陰缺處見西山步遍墻陰落照間  
誰信史君無一事只知終日與僧閑



暑雨霏微濕翠嵐，共投蕭寺解塵鞍。  
黃梁初熟鱗羹美，恰稱稽家七不堪。

急手輕調北苑茶，未收雲霧乳成花。  
靈襟習習清風起，歸夢遙知不到家。

碧玉枝柯柑橘林，開花結子未成金。  
何當爛熟經霜露，更約提壺一訪尋。

隔澗人家通小橋，家下沽酒可相邀。  
溪沈榕葉遮煩日，浩蕩風頭駕晚潮。

荔枝二首

枝條相軋碧雲濃，襯出驪珠落照中。  
未說甘香消酷熱，且看纖手擘輕紅。

暑館風沉睡眼醒，荔枝新熟暗香生。  
玉纖為剝紅綃顆，甘露初凝濕水晶。

寄資溪承事行營二首

縱橫才畧領千兵，鷓鴣羣飛戰艦輕。  
海浪掀天須破始，知名將是儒生。

黃梅欲落雨霏霏，想過重岡濕戰衣。  
破賊有期先可喜，裂雲簫鼓待君歸。



淨惠寺清軒二首

枯筇壞衲老清時萬事紛々久不知隔屋荷香消午  
暑紅微花影在溪池

一軒蕭洒清靜無塵萬柄荷華別是春莫道南州無北  
客壁間猶對洛陽人

七夕不飲

明河初月靜消々樓閣簾開開管絃不飲一樽當此  
夕我心于巧久無緣

和子中修撰石盆題壁二首

沉々石室亂雲間萬事都忘只有閑暫輟玉堂揮翰  
手一時吟遍謝家山

青山重複路逶迤雖近州城俗客稀只有史君頻得  
句時々吟袖帶雲歸

和子中忘歸軒

忘歸々去盡強名山鳥山花任送迎未信史君長戀  
此馬頭將逐詔書行

和子中脩撰石盆轉輪藏

棲函藏軸一輪中種々難名寶網叢莫道石盆無大  
青山集卷五



地只今成就聖王宮

弔聖俞墳

平生懷抱只君知  
想見音容涕泗垂  
宅舍已荒兒女散  
孤墳秋州自離

太平天慶觀題壁五首

縹緲朱樓浮絳烟  
瀰漫碧酒汎金船  
瓊花滿樹春長在  
知是人間換幾年  
琳宮緩步獨移時  
世事紛紛不復知  
且看滿庭松上雨  
碧瑤幢節覆青絲

一枰碁散復持盃  
却繞長廊步懶回  
且看滿庭松下月  
斷金斜玉間蒼苔

風吹雲雨霽入門  
松檜香何處有煩暑  
心官自清涼  
聽君彈別鶴  
別鶴怨離索  
何以動乾坤  
六月秋霜落  
九月蓬萊亭  
周彥達節推酌發

萬里行人辭故鄉  
登高回首更重陽  
黃花折盡碧雲晚  
未聽離歌先斷腸

永安榮仲謀秘校訪別三首

感君隨月跨征鞍  
來訪熙寧旧長官  
莫訝髭鬚渾雪白  
青山集卷五



白哭兒清淚不曾乾  
相逢投老愈情深不獨開懷又吐心  
更上高臺同一醉十年陳跡漫追尋

行義獨無一點瑕詩書滿腹貯英華  
老來方得青衫着便近廬山五柳家

榮授彭澤簿

達觀臺黃魯直名之二首

戴氏山頭一席平集仙椽筆寫臺名  
長江自與天為鏡不用風雲變晦明

高臺千尺俯江干達寧論眼界寬  
但見青山圍遠水

不知何處自長安

靖節真像乃庸畫得伯時貌之遂以一絕寄

簡

古帳蕭蕭畫不真空祠猶與狄公隣  
憑君妙手重圖貌不是尋常行路人

老杜云屢貌尋常行路人

招德觀見老道士李如海年八十六矣

棄官歸去又重來三十三年幾人在  
玉虹橫截碧雲溪不見騰空見如海

與吳子正言懷



山南山北屢相逢年少今成二老翁  
不向烟霄共飛舞又來傾倒玉瓶空

承天院清輝閣

一軒誰與寫清輝地迎城闔却少知  
只待中秋深夜看玉蟾低蘸碧琉璃

丁卯十月十日遊開先瀑布絕流

山源久涸早塵飄想見潺湲瀉石橋  
只道海風吹不斷為誰收起玉鮫綃

寄吉守李獻父二首

半月樽罍為我開琵琶圍座殷晴雷  
船頭一轉如天上猶有新聲入夢來  
昭亭交旧半存亡只有君家近我鄉  
終約月明槌鼓過賀公須愛李生狂

次芙蓉渡和穎叔脩撰舊題

綽約芙蓉照碧湍紅綃衫薄不勝寒  
吹香洗露情多少只得元戎一餉看

次南安驛和穎叔脩撰旧題

南來匹馬厭紅塵喜見梅花侶玉人都為嶺頭無臘



雪故教六出占先春

次凌江先寄太守黎東美二首

去歲同班別帝庭君先度嶺我方行縱橫才力知無  
敵到未期年政已成

暉寒日溪雲開北客新過庾嶺來聞說凌江風物  
好清香先見數枝梅

次曲江先寄太守劉宜翁五首

行徹凌江到曲江史君才業世無雙前人俗政應除  
盡盛賦新詩倒玉缸

路絕曹溪孰為過主君才辨瀉懸河一時風物應不  
變入眼山川秀氣多

韓愈莫吟龍吏問梁鴻休賦五噫歌百年榮辱能多  
少且倒芳樽養粹和

學佛學仙君自悟多愁多病我難任兵厨酒熟青梅  
小且置玄談伴醉吟

落盡梅花先未歸且携樽酒賦新詩逢人少說瑤臺  
事得道寧要俗子知

次五年先寄帥公穎叔

青山集卷五



玉帳元戎金馬儒還同嚴武在成都新詩欲得何人  
和席上能容杜老無

聞五羊今歲有雪口號寄穎叔修撰

南人不識白皚皚真怪狂風亂舞梅向道元戎名和  
氣嶺雲翻雪入城來

古羊江口

古羊江口兩山陰野客停橈為一吟  
直逆寒風望蒼翠老來唯有愛山心

四恩禪院

石闢雙崖控碧溪  
裕陰丹與雲齊  
寺門無出渾無路  
直上青天萬丈梯

仙庭觀

樓閣依稀踞鳳凰  
入門松桧自然香  
蟠龍已熟桑田變  
應與皇家共久長

入清遠峽

舟遠蒼崖轉碧津  
層雲樹畫屏  
新分明便是龍源路  
底事無花不見人

出清遠峽



軋々孤舟兩橈鳴悠悠，山閣白沙平回瞻蒼峽來時  
路只得銀潢半日行

雙溪呈帥座穎叔

雙溪流過碧灣灣，兩帶青羅逸玉環入海未甘隨臈  
醜助公吟筆馮潺湲

和穎叔別後見寄

白頭方得嶺南麾却望長安恨不飛毒霧腥烟非我  
樂未從公辟敢言歸

雨霽小飲示曾令

嵐雲送雨一番涼把酒休言憶故鄉荔子鱖魚相伴  
熟畫船槌鼓下靈羊

穎叔為余親札補到難并和篇開刻既成以  
二絕句送上

投老文章遇已知感公書我到難書銀鈎玉鈕徒稱  
妙大庾領南無此碑  
英詞妙翰兩無雙彼有浯溪此北江下跡塵寰真一撮  
到無難處為公降

送王侃主簿棄官歸城南三首



紛々嵐翠撲征衣滿酌離觴對落暉憶着故園心已  
醉更堪臨水送人歸

侵々塵土欲何為滿腹詩書不遇知歸去青山終我  
老掛官全勝拜官時

冷々風露菊花時有客言歸便得歸自是不歸々便  
得靈羊擢吟口擢如飛

再送穎叔待制度額

跡滯端江心欲飛要將清淚洒行衣雲間驥尾終難  
附梅子黃時公自歸公屢有佳句見約同歸

蒙詔應許歸二首

衆人應咲乞歸忙自覺生緣不久長舞椀呈椀無伴  
侶冷雲寒水是家鄉  
昨日思書許拂衣西江却擢鉤船歸蘆花明月無人  
占一笑勞生萬事非

別吳翼道運判

歲晚分符瘴海邊衆人欲殺只公憐此身乞得生前  
去却向江南擢鉤船

林和中家觀畫卷五首



蘆黃水落秋將暮，鼓翼各尋雲外路。  
為問歸飛歸底處，我今亦向江南去。

右寒蘆飛雁仍和子中修撰旧韵

曹將軍畫少陵詩，林氏家藏相國題。  
不動精神瞻御座，風雲萬里入霜蹄。

右曹霸畫馬王荆公手寫杜甫丹青引跋其

尾

魚躍魚沉都不知，垂竿只要得魚歸。  
天寒浪急魚難得，愁入蘆花日又西。

右王摩詰捕魚圖

飄飄秀色奪仙春，只恐丹青畫不真。  
能為君王罷征戍，甘心玉骨葬胡塵。

右王昭君上馬圖

唐時胡馬入長安，下馬胡兒倚馬鞍。  
今日昇平無此物，樽前聊展畫圖看。

右胡馬圖

八月十六日携家玉笋山觀月覽穎叔待制

寄題絕句然公之往還終不暇遊也故次



其韵以寄穎叔

玉篆淡々水石幽  
驂駕不到欲誰尤  
公臨歎子方憂  
决輸我携家蹋月遊

玉澗橋

橋名玉澗玉淙琤  
覆水松陰兩岼清  
野岵已香仙露  
濕客從此去問長生

入承天觀二首

飄々飛蓋入仙山  
樓閣初逢碧藹間  
為問蟠菴今熟  
未客來一食欲忘還

雲舒雲卷曉風涼  
千尺松梢鶴唳長  
昨夜宮飄桂  
子至今樓殿帶天香

出觀

沉々樓殿五雲藏  
草木長春水石香  
一榻可能容我  
住桃源迷路咲渙郎

次新淦先寄劉中叟

平生志願各懷歸  
今日江湖樂自知  
一艇一蓑明月  
夜竿頭絲動得魚時

新淦西禪綠野庵



草心回暖春風香柳眼半開春日長老禪隱几萬事  
畢春去春歸春自忙  
圓如鵲卵壓滄洲一榻欹眠頗自由春色解回林野  
綠如何只白老人頭

遊生米施真君觀閱李德素旧題五絕句遂

次韵和之

寄語人間學道人無真可學乃為真施即昔日投竿  
處直下尋綸透海濱  
學道多年未得仙漫將芝艸種瑤田索綸不起龍吞

釣為問漁翁直幾錢  
水鷗山鵲語相傳風阻歸航未得前老松一枝壇石  
靜道人無事看殘年  
來尋遺事問神仙坐石垂綸不記年水鳥自來雲自  
去月和蟾影幾回圓  
晴雲落日似橫金水鳥松風伴我吟題壁高人竟何  
在猶應施老笑無心

呈同行黎東美朝散

風日蕭々暑氣無橋声相逐轉江湖西上廬阜青如  
青山集卷五



般應有新詩入畫圖

望廬山二首

西山行徹見羌廬  
碧玉稜稜一區南  
去北來頭白  
盡不知五老髮班無

三十年前湓浦尉  
五千里外解符歸  
廬山相見應相  
笑為借雲泉一濯衣

廟灣夜泊

薄昏洲渚鷗鳧靜  
照網漁家燈火紅  
盡道龍舟并泉  
濁明朝願借一帆風

楸溪懷亡友張慎微

秋風入夜透征衣  
點點漁燈各自歸  
投老重來江上  
泊廬山如舊故人非

九日遊淨社院二首

旋披榛棘尋山徑  
忽遠松篁入寺門  
九日臨高無此  
處佛香禪味解塵昏

前年九日別家時  
黃菊纔開一兩枝  
今歲重陽歸未  
得却尋蓮社步遲遲

羅漢院五老亭



五峯相向碧參差  
挿地擎天力不衰  
要學世人頭亦  
白晴烟時起數條絲

入萬杉

翠藹紛々蔽一岩  
何年人種萬株杉  
天翁已許虬龍  
臥匠石不勞斤斧刻

出萬杉

禪庭欲別更遲々  
猶恐涼風洒客衣  
無力便分青嶂  
住滿懷空帶白雲歸

香澗

涉溪攀磴何興長  
隔岫人家棗杏香  
便是武陵迷路  
處只無鷄酒勸渙郎

靜明軒

道人得道萬緣灰  
欄下幽花手自栽  
終日開軒無客  
到清風時引竹聲來

無思軒

妙々無心豈有思  
一軒幽瞰碧連漪  
篆香消盡月華  
午知是高僧定起時

別尋真觀

青山集卷五



尋真幽徑入深源一宿清虛寄洞天  
歸去姑溪度殘日無因重到五峰前

逢東林舊僧

寶陀岩下種松篁  
日客欣逢煮木湯  
憶着東林携手處  
十年添得滿兩眉霜

追和杜牧之貴池亭

悠悠江水綠于苔  
楊柳迎風眼半開  
行客不知沙上雁  
每逢春暖即知回

觀德亭畫壁

畫手非工本亦佳  
四時景物寓天涯  
寂憐荷折秋容晚  
雙雁徘徊不軟沙

寄耿天隲二首

海棠妍媚露莖紅  
高臥遙知錦繡中  
欲問何時渡江去  
看花准擬趁春風

北山曾賞浪山梅  
藥合冰一半開  
國老自亡梅自發  
送梅人在亦悲哀

桐城青山裴山人枉步見尋興盡遂歸

門外青山是我山  
手携筇杖只今還  
嵩花落盡鸞蹄



懶絨帳孤燈夢亦閑

史充侍禁以簡問予小舟搖兀絕句謝

渡江東興泊江干草觀殘花色未乾  
慣在釣魚船上住一蓑一笠伴春寒

寺壁史侍禁畫竹

不假研磨丹與青只將墨妙奪天成  
始知春力無虛寔老竹橫穿棟柱生

西軒看山懷荆公

長憶金陵數往還誦公佳句伴公閑  
如今不復聞公

語獨自西軒臥看山

公見寄云且欲相要臥看山

雨霽看小山

一番過雨碧生烟移得蓬瀛在枕前  
范蠡更閑吾不愛風波搖兀釣魚船

辨山亭二首

疊徑縈迂上小亭雲收天末數峯青  
不嫌一鳥橫空沒直恐纖埃点畫屏

小亭新得辨山名雲外峯岫畫數層  
太守引賓謀一醉甘瓜不用集青蠅

青山集卷五



永安再和裴材山人二首

青布為巾白布裘逢人不肯拜  
低柔一缸濁酒凝香春  
綠只與雲山相獻酬

未到君家興已闌浮山十里望  
青山梅花正侶山陰  
雪却擢孤舟夜半還

重題公純池亭

凭欄盡日看山色歌枕連宵聽水聲  
一點紅塵無入處戴家池館近清明

浮山阻雨二首

尋山一日遍浮山却望江南興欲還  
半夜神龍興驟雨故留閑客伴僧閑  
雲顛辭世幾番春老令霜髯未變塵  
重拂旧題悲往事幻身今幸作閑人

喜雪呈守倅

出門騎馬踏黃塵歸踏垂鞭布黑雲  
一夜猛風吹大雪玉華千里壓妖氛  
四直嵐光侶玉光滿城和氣賀豐穰  
紅爐底事不邀客回雪落梅空斷腸



贈嘯月崑吳居士

幅巾黎杖客浮山，便隱溪巖避世喧。  
每見月華何事嘯，此身聊欲伴孤猿。

撫鴻亭

誰開崑戶最高峰，更作欄干出半空。  
只道冥鴻遠塵世，我今直下看冥鴻。

遊西岩寺二首

西涯瀑布瀉雲中，移得菴廬一半工。  
要見玉潭千丈雪，莫教江月照還空。

三人同結靜中緣，一到西岩思豁然。  
何必擁爐傾濁酒，且來攀樹聽寒泉。

中方寺題壁

西岩曉起過中方，欲趁春歸客思忙。  
不似野僧忘歲月，手披黃卷滿頭霜。

題潘溫叟家藏戴牛畫卷二首

不辭耕遍王家田，日暮歸時欲飽眠。  
渡盡驚波莫回首，後來猶苦牧兒難鞭。

茫茫陂水暮秋天，乍脫耕犁未得眠。  
矯首衝方波盡



力牧兒何用更揮鞭

招陳守倪倅小酌

梅花落盡杏花遲  
終日廉細雨霏  
不似一樽消客恨  
可令醒眼送春歸

書無想山先域屋壁二首

東嶺杉松手自栽  
已成濃蔭覆泉臺  
滿頭白髮行催  
死能得生前幾度來  
寒食年一度來傷心  
捫涕陟崔嵬  
溪雲欲雨還催  
去更遠營丘百匝回

出城

籃輿接曉出重城  
桃李無言侶有情  
淡白輕紅能幾  
日可伶吹洗過清明

敵復午節惠酒

雙壺分送赤泥封  
辟惡須令氣吐虹  
何用江心鑄明  
鏡清樽照面侶青銅

次韵楊侯見送遊五峯

飄然忽作五峯遊  
三伏誰知冷似秋  
為在溪雲更深  
處手提白羽看泉流



舟經天門山

輕舟幸借東風便，帆掛危樯掣驚電。萬群白鳥度天門，誰道澄江靜如練。

宿蕪湖口

菱行芬香蓮子熟，扁舟夜趁湖陰宿。不杯獨酌未成歌，漢人解唱遺鞭曲。

曉發

欲就滄浪濯煩熱，解纜莫愁潮信歇。陰雲映日一帆風，信道長江無六月。

代刺訪歷陽孫守公素

月洗晴江秋愈清，扁舟西渡歷陽城。魚翁鰲見無恙雁，滿袖盈襟皆月明。

代刺別孫守公素

邊雲歌闋酒樽空，離別情懷自古同。卷取西城吟袖月，却飛蘭櫂過江東。

送菊與劉守漢臣

一年愛惜傍東籬，今日纔開四五枝。折與劉郎休嘆老，嫩黃新白恰相宜。



送菊與倪倅啟復

重陽相近燕初飛  
誰剪黃金撒翠微  
莫學龍空落帽  
杜郎須挿滿頭歸

望夫石

帆去帆來人不識  
歲々年々望無極  
夕陽欲盡洲渚  
昏猶見天門一雙碧

謝賈侍御惠酒

赤壺分送陵陽酒  
黃菊猶開雨後花  
一醉不知身世  
晚却臨河漢欲乘槎

再送賈明叔侍御

宣城重見謝玄暉  
只恐斯民不久依  
為報聖朝容諫  
諍南床虛位待公歸

宗公香瑩軒

醑醑洞口作新軒  
香瑩佳名自此傳  
要是釀為光祿  
酒醉來騎雀上青天

素質仍將蘭麝薰  
開軒有意待遊人  
請看一架晴空  
雪又勝堯源洞裏春

次韵徐希臯解元送白蓮栽蕪寄招掾子美



三首

吾家新疊小蓬萊三赤青天一沼開更得城南白蓮  
種花時畝待月光來

城南移得玉華栽向方池兩歲開有酒有花無伴  
侶良用何日遠方來

玉蓮移得手親栽要見中秋月下開安得君歸相伴  
飲君家子弟亦嘗來

藏雲寺酌泉

不到藏雲四十年寺名重換屋新遷清冷不變當時

味只有庭心一眼泉

次韵池守富仲容寄詩酒為別二首

投老應須結主知翱翔郎省已多時南風一送輕舟  
去更与何人細論詩

萬事無心只自知一庵高臥樂明時池州太守能怜  
客美酒分來更贈詩

真謁王荆公墳三首

再拜孤墳濁奠醪春風斜日漫蓬蒿扶持自出軻雄  
上光焰寧論萬丈高



大手曾將元鼎調龍沉雀去事寥；寺樓晚傳鐘響  
墳草春回雪半銷消公蔣山絕句云他生來聽此樓  
鐘

平昔偏蒙愛小詩如今吟就復誰知篋中不忍開遺  
卷矯龍地彼一時

狄倅伯通席上二首

梅山曾共聽蛩聲又着汀洲白鷺飛一搯瓊漿要我  
醉不忘交旧侶君稀  
小妓三嬌舞玳筵芙蓉照水一枝鮮層冰赤脚真吾

事笑倚春風愧暮年

壽寧禪院瓊花

張唐公內翰手植

一種瓊花內相栽隔年琲瓃待春開誰知暖日苗繁  
雪更有清香引蝶來

和敦復往池陽留別

梅花含雪豈無情更在城南送客行願得車輪迴踏  
速莫教落盡去年英

弔明惠師

平雲閣寄隱軒

平雲寄隱盡成灰三十年間一夢迴言說已無形影



在屋梁殘月送悲哀

別賈侍郎二首

君正忙時我正閑  
思君乘興出青山  
倚樓懷抱都傾盡  
却駕柴車破雨還  
連日持盃選勝遊  
今朝興盡擢歸舟  
欲知兔夢思君處  
却御清風過北樓

寄留二君儀

今歲看書眼覺昏  
憶君持酒只銷魂  
臨漳姑熟五千  
里懷抱如何得再論

寄新軒阮聖希

遙想新軒日  
新清風細  
起青蘋  
後來詩客誰如  
我定有新交勝故人

曉予家小山四首

曉光初透玉玲瓏  
迥與真山意思同  
蒼翠正含烟露  
濕一峰先占太陽紅

雨

林：銀竹注潺湲  
迸玉挑珠亂壑間  
不惜倚欄襟袖  
濕為君吟出雨中山



月

小山凝望月明間  
天與金銀作小山  
願得月明長不去  
一小光景付吾閑

雪

皎々群峯照盡攔  
淡々岩竇逼人寒  
雪中更看玲瓏雪  
縱有丹青貌月難

西軒默懷敦復二首

小盆小石小芭蕉  
水画紋生暑氣消  
明眼客來時一  
眇已知吾意在鷓鴣

山下無塵枕簟涼  
綠池水滿即瀟湘  
青蕉况有菖蒲  
伴閑淡風標細々香

出城至龍泉院

出城霜霰侵衣冷  
入寺雲山掠眼明  
幸有青錢沽白酒  
得閑行處即閑行

院王老僧年八十三齋潔可喜遂贈二韻

八十餘三老阿師  
雲山溪僻少人知  
不嫌野雀永為  
伴庭下閑松借一枝

城西阻雨寄純父太守



三春復作歷陽遊，傾聽高談洗我憂。  
已出重城望賓客，榻暗天風雨泊孤舟。

浚涵臥病少愈言懷

入竹細風連陣暖，隔牆幽鳥數聲和。  
病餘斗惜春歸速，枝上殘紅應不多。

玉蝶毬

玉蝶交加翅羽柔，八仙瓊夢並含羞。  
春殘應恨無多採，翠碧珠間戲作毬。

懷歸

黃鸝出谷鳴聲軟，紫燕營巢意思和。  
欲問江南近消息，落花飛絮向人多。

睡

牕戶無風天氣陰，屏山圍枕鬢雲深。  
秋波不動芙蓉暖，化蝶驚飛君莫尋。

笑

檀口微口皓齒香，眼波浮動眼生光。  
飛花未落顰脂淺，半點春風半倚牆。

元興侍制以書酒見招



驛騎東來得素書，便趨賓榻駕柴車。  
賦詩我未如陶令，養浩君能似子輿。

奕

一杯相對漫怡神，白黑分爭先局。  
新不覺斧柯從此爛，甘心誰是肯輸人。

和北山泉老三首

從來心照兩相通，信餉瓶盛自在空。  
誰道鍾山遠，姑馱北窻時復揖清風。  
蓼花紅淡葦條黃，故有離人思抑揚。  
手眼不知相拗

否墨華時寄兩三行，已將形影老江南。  
不飲情懷稍自安，諳得道人揮玉麈。  
一宵清話響園庵

和僧說見懷二首

城角蓬茅三畝居，空堂唯有一床書。  
感師相過怜清淡，若比陶潛尚不如。  
師以陶見比

眉目稜，有古風，却疑曾作釣魚翁。  
一竿明月空拋擲，誰道烟波無處窮。

訪華陽隱者



小徑斜分石磴通，  
蕭蕭古屋隔杉松。  
主人無事晝慵起，  
殘雪滿庭春未溶。

雪次大澗

連山連野冷光鋪，  
望見春烟問道途。  
不似在家蓬戶閉，  
妻兒歡笑擁紅爐。

將至慎邑寄鼎

踏盡瓊瑤百里山，  
欲投城郭暮雲間。  
紅爐速置一壺酒，  
故歲離家新歲還。

峽石道中口占

淮日暉，浴暖沙。  
小橋斜向兩山家。  
不知春色來多少，  
是處牆頭見杏花。

過惠寺小栢

週遭松桧湧為隣，  
翠碧娑娑未出羣。  
但願盤根堅似石，  
不憂枝幹不凌雲。

香社院

重陰消散日車明，  
社鼓村歌樂太平。  
行過柘塘蕭寺宿，  
隔牆猶聽賣花聲。

院庭檜樹



花開共密葉禁霜老栢喬松氣亦降未遇李聃誰愛  
惜拓塘西院碧油幢

三月三日

一盞扶頭又半酣久無歸夢到江南  
飛花欲發杏花謝細雨斜風三月三

清明風雨懷光遠

少年多難復遭憂自昔王孫故倦遊  
愁見清明歸未得小山風雨想添愁  
時光遠借居吾西園

慎宰練德符招飲僧舍二首

雜花開遍縣城東不惜提壺細雨中  
應是花枝羞老客故含春恨泣殘紅

一庭寒栢老荒涼亦有花枝出短牆  
善政德間能喚客春風相伴倒壺觴



青山集卷五終

青山集目錄

卷六

月

春草碧色

送君南浦

廣陶淵明四時

簡寂碧溪亭

西崑寺六題

歸雲岩

春水綠波

傷如之何

空林洗心軒

看潮亭

愛日岩



看泉臺

安心塔

小瀑布

雪臺

送孔掾

吳子正召飲觀太白墨跡

寄漳洲詩僧緣進

四月十九日自咏

雪中同宋正卿訪太守筠虛庵觀竹

玉井

酬陳糾

即席送崔奉議闕赴二首

病中對月

小池白鷺

憶別

南豐道中六言

和楊公濟錢塘西湖百題

湖堂

湧金池

柳洲

新徑

看經樓

白公石函

秦王纜船石

十三間樓

水仙廟

寶叔塔

巾子山

寶雲庵

林和靖橋

巢居閣



白公竹閣

孤山

辟支塔

陳朝松

贊寧僧綠房

金沙井

馬磯坡

陶器墳

夜講亭

閑泉

高槽塢

西村

松門

合澗橋

玉女崑

靈隱浦

方外門

北高峰

錢源

呼猿澗

白雲峰

袁公亭

九師堂

朱野

葛塢

石橋

朱崖

青壁檻

渦渚東嶼

許先生書堂

石門澗

臥龍石

連當棧

伏龍澗

西庵

楓樹林



臥犀泉

醴泉

白沙泉

西溪

神尼塔

林香洞

鍊丹井

重雲松

理公島

青林岩

西塢漾

楊梅石門

見山亭

韜光庵香

天竺峰

香桂林

龍泓洞

客兒亭

石蓮花亭

葛仙丹室

流玉亭

東岡塔

葛公石徑

灵石西庵

暗竹園

烟霞洞

虎跑泉

翻經臺

稽首峰

望海閣

西嶺卅堂

靈石山

南高峰

夏珠泉

大慈塢

翠樾堂



陟崖門

夏涼泉

樵歌嶺

映發亭

修竹軒

長橋

清軒

山居絕句六首

曉

春

秋

步月徑

清隱閣

華嚴塔

梅揚塢

南屏山

慈雲嶺

西水亭

夜

夏

冬



青山集卷六

當塗郭祥正字功甫

安得妙畫師畫取明月夜將期月暗時展向松陰下

春草碧色

雪洗燒痕盡春將碧色來行人莫回首渡口多陽催

春水綠波

春江波自綠不染木蘭舟只與岸邊草依、添客愁

送君南浦



田園有餘樂，道路有餘悲。留君不肖住，君去欲何之。  
傷如之何。

漢武事遠征，夫與家別幾。人衣錦還多，為原上血。

廣陶淵明四時

春水滿四澤，原田高下耕。熙熙隨衣農，志匪奪芳英。  
夏雲多奇峰，高低千里重。巫山何處是，神女竟難逢。  
秋明揚明輝，太空碧無滓。鴻鵠正翱翔，燕雀方栖止。  
冬嶺秀孤松，雪霜任飄泊。悲含太古風，清立九霄鶴。  
空林洗心軒。

翼：粉墻斷修，綠徑深師心。不用洗脚用洗人心。  
簡寂碧溪亭。

山光與溪色，一碧瀉雲中。倚檻久未去，更聽松上風。  
看潮亭。

縹緲孤亭出，溪沉一徑開。須當踏雨去，且欲看潮來。  
西崑寺六題。

歸雲崑

春田雨既足，幽崑雲自歸。雲無覓處不，共鶴爭飛。  
愛日崑。



古刹盤溪塢幽宮傍徑開三冬藏暖氣留客待春回  
看泉臺

溪源深幾里絕壁湧驚湍欲識下宮處請君臺上看  
定心塔

一壚倚雲根地山面、新不須驚險絕自有定心人

小瀑布

石架千層險泉飛百尺高能蘓旱田穀何用作波濤

雪臺

一壑飛晴瀑雙崖撫鰲龍欲知臺上雪六月是三冬

送孔掾

別酒莫辭醉離歌難重論一枝新綻柳和雨泣黃昏

吳子正名飲觀太白墨跡

不自烟霄謫世間無此人心声与心畫開卷見天真

寄漳州詩僧緣進

一彈絃一絕思君腸百結雁過無書來立盡松間月

四月十九日自咏

落兔老道士遙憶謝公山眠雲坐盤石盡日聽潺湲

雪中同宋正御訪太守筠虛菴觀竹



偶陪天上人來訪雪中竹却笑陶淵明  
孜孜愛黃菊  
玉井

淵、玉井水碧淨覺春歸不為洗紅粉  
邀郎濯錦衣  
酬陳糾

黃花空爛漫兵厨不送酒吾欲挽明河  
夜半斟北斗  
即席送崔奉議赴闕二首

駐馬惜分手臨風開一觴君趨紫金闕  
我戀白雲鄉  
明主幸兩學上清修百祥恭觀希世事  
歸信借餘光  
一赤江南信聊憑健翼飛吾兒如我問  
衰病要兒歸

病中對月

一病三旬久脾衰秋氣侵誰怜形影瘦  
猶喜月相尋

小池白鷺

白鷺白如銀窺魚意思馴此中無彈弋  
莫厭往頻來

憶別

佳人萬里別一念腸千結何處望書來  
天南雁飛絕

南豐道中六言

前溪淡、日落後山靄、雲歸飛花不知  
客恨一片  
飛上征衣



和揚公濟錢塘西湖百題

湖堂

宴啓簪纓集堂開錦綉重舞娥臨短岫天影襯芙蓉

湧金池

衆沼皆涵碧斯池獨湧金室光中夜見不似月華淡

柳洲

春光湖水滿春色柳洲深莫作風中線條々繫客心

新徑

史君開小徑斜繞碧城隈只欲通花縣春風幾度來

看經樓

樓下水連天樓居即水仙何須把黃卷極目盡紅蓮

白公石函

開函測深淺啟閉以時均欲識白公惠堂、勒翠珉

秦王纜舡石

秦王西觀海此石繫樓舡錦纜已無跡蒼台昏野烟

十三間樓

危樓插湖脚紺碧十三間待月客無寐看山僧自閑

水仙廟



丹青巖像貌藻荇薦盃盤月掩廟門靜龍地驚夜寒

寶叔塏

寶叔存遺塔影搖湖水光層々仙露濕苔鮮自生香

巾子山

嵯峨挿天頂寒翠灑湖光吟客搖舩子猶疑漉酒香

寶雲菴

有客學無心菴雲結宝陰松風深夜起時作老龍吟

林和靖橋

不作朝市客甘為漁釣翁柴門危徑斷猶喜一橋通

巢居閣

小閣臨僧塏容身慕崔巢乾坤隨俯仰君相不容交

白公竹閣

竹閣公所愛延僧酌夜茶渙歆天外起何侶聽琵琶

孤山

塵寰千嶂合月窟一孤峰欲識僧歸處飄然入宝珠

辟支塔

崔嵬辟支塔野卷半腰雲知是藏真骨靈光五色紛

陳朝檜



歲老枝<sup>葉</sup>簡春溪香氣新  
可憐湖上檜曾識井中人

贊寧僧綠房

有道歸真主無心戀舊房  
一燈長不滅分付水雲鄉

金沙井

泉脉應通海沙痕漾細  
金成仙吾未必一酌洗煩心

礪磯坡

坡頂夜光發人來雨後尋  
山祇元愜宝君莫起貪心

陶器墳

陶器為棺柳中庸孰可名  
一坵春艸色兩樹野松聲

夜講亭

往矣中庸子亭標夜講明<sup>名</sup>  
我來何所得襟袖水風清

閑泉

人去泉長在人忙泉自閒  
不供魚鳥飲只是照青山

高僧塋

高僧何代僧塋骨兩三層  
不遣白雲護遊人取次登

西村

遠近皆僧刹西村八九家  
得魚無賣處沽酒入蘆花

松門



沿湖九舍里松行澗橋憶客袁公不識炎天熱門溪太古風

合澗橋

西澗飛來處雲溪合一橋更無岐路別從此入烟霄

玉女崑

投壺非有術掣電亦無心月下與誰語雲來自布陰

靈隱浦

有靈何所隱溪浦老蒹葭渙父一舟泊却疑秋漢槎

方外門

方外原無地空中忽有門請君從此入輒莫羨桃源

北高峰

翠出諸峯上湖邊正北看夜溪雲霧散獨掛斗杓寒

錢源

至寶豈無源一溪人姓錢直湏朝海去餘派保千年

呼猿澗

隔澗白猿子呼來驗是真一從滄海別啼嘯不知春

白雲峰

湖上峰爭碧此峰藏白雲光連月色鷗鷺亦迷群

袁公亭



民樂表公惠開亭古道邊能將九里碧長與萬人傳

九師堂

爾學五古子緣何給九師一堂風月淡日用少人知

朱野

梁園衰微後微君隱逸時至今風味在試聽野猿悲

葛塢

二葛繼成仙猶存鍊丹處有時化雀來徘徊不知去

石橋

橋下無懸瀑橋邊多綠苔跨空緣一丈何處特飛來

朱崖

彤霞貫來久赤石異諸崖月照夜光發風生雲霧埋

青壁檻

仙家青壁檻未見靈花發我欲提碧壺來斯挹明月

渦渚東嶼

小嶼春歸後青蒲渦渚東日高魚鳥散烟淡一林風

許先生書堂

丹井光長在空堂貌亦存隣僧深夜磬時復與招魂

石門澗



啟門何人見湍流一澗分仙家無路入空鏤石樓雲

臥龍石

龍卧蒼山下豈知今古春不憂雷雨作頭角本非真

連嵩棧

鳥道出雲顛雲深春更鮮遊人莫嗟險一棧与嵩連

伏龍澗

潭心有伏龍忽溜和雲澗頭角何時成願借風雷便

西菴

藤州契嵩禪師旧栖

釋子能儒言迥出惠遠上菴中閱遺編光焰高萬丈

楓樹林

一塢藏深林楓葉翻蜀錦寄語別家人路遥霜霰凜

卧犀泉

有角翻害身沈泉避刀剗故依金地慈非憚滄溟遠

青林岩

青帝畱行跡嵩前春不歸儘從霜与雪君看碧依

醴泉

大曆中出

不為太平出胡為名醴泉兵戈方滿眼聊以慰凶年

西塢漾



湧、西塢漾青出秀菰蒲源淺不通海光寒稍映湖  
白沙泉

幽泉出白沙流傍野僧家欲試甘泉味須烹石鼎茶

楊梅石門

顆、龍睛赤溪、映石門自怜非荔子不得薦堯闈

西溪

西溪在湖外一派濯殘陽遊子託漁舸却愁歸路長

見山亭

遊子一凭欄遍看湖上山不須飛鷗去已在畫屏間

神尼塔

神尼鑿一塔香在碧雲端舍利夜光現君須正眼觀

韜光菴

逢人寂無語結草自棲禪但見岩光笑龐眉不記年

香林洞

幽香來近遠此洞接蟾宮欲借飛翰去聊乘桂子風

天竺峰

誰從天竺國分得一峰來占盡湖山秀最宜烟雨開

鍊丹井



欲息丹中火，須沉井底泉。何如栽杏寔，亦解上青天。

香桂林

根託山中地，香分月裏秋。遊人莫攀折，風散一山幽。

重雲檜

人老不重少，松枯還復榮。何時逢匠石，今日棟梁成。

龍泓洞

洞口無凡木，陰森夏亦寒。誰知一泓水，曾有老龍蟠。

理公窟

晉代胡僧理，開山第一人。欲尋窟下迹，猿鳥送餘香。

客兒亭

翻經人已去，誰為立幽亭。一望野雲白，半藏山骨青。

石蓮華亭

亭上碧蓮花，何年化為石。越女莫驚猜，窟猿自相識。

翻經臺

盥手天池水，熏毫海渚香。翻成多少帙，臺石尚輝光。

葛仙丹室

丹成空猶在，夜氣接湖雲。仙路何由問，刀圭幸見分。

稽留峰



孤峯出天外客到亦稽留不覓月華晚澗猿啼更愁

流盃亭

斲石引溪水盃行自勸人試聽林下鳥啼血不道春

望海閣

客望海中日牕開物外山天形垂欲盡飛鳥不知還

東岡塔

宰堵藏真骨東岡氣象殊烟雲掃不盡苔蘚一痕無

西嶺艸堂

應識遊塵世湖邊一艸堂松聲半夜雨花氣四時香

葛公石徑

誰來躡高步幽徑已荒涼葉落無人掃哀猿空斷腸

靈石山

靈石山前路山溪寺更深不知明月去空惜白雲沉

靈石西菴

欲問庵中事人馴虎亦馴楊梅幾番熟誰為惜餘春

南高峰

岌々穿南斗層々瞰下方揭為湖海鎮半夜掛朝陽

暗竹園



篔竹無人洗烟雲暗不開  
網羅無入處豺虎莫驚猜

夏珠泉

入夏泉嘗溢光跳萬斛珠  
世人收得去此景已應無

煙霞洞

玉像存溪洞烟霞分外多  
焚香千騎入猿鳥不經過

大慈塢

十刹密相望林開一塢香  
木魚聲漸急山衲下雲房

席跑泉

未見席跑迹窺泉試一吟  
遺珠僧不取畧行助泉汲

翠樾堂

溪堂待遊客老木競茁春  
花發多臨水雲開始見人

陟崖門

陟彼崖上門溪路還絕香  
草逸仙風怪林藏古雪

步月徑

一步復一步月華粘屐齒  
不知山徑溪疑到蟾宮裏

夏涼泉

六月想冰雪此泉清且淡  
相如方病渴植杖故來尋

清隱閣



閣近山中寺誰為清隱人移文招不得騎馬入紅塵

樵歌嶺

嶺下聽樵歌、聲雲外過儘窮斤斧力不道得樵多

華嚴壇

講盡華嚴偈攝衣辭世塵泉淙宛泉語玉凝塔中身  
凝去聲

映發亭

吳越江分斷山光還映發白鳥東飛來應隨渡江月

楊梅塢

紅寔綴青枝爛漫照前塢不及杏繁時林間有仙虎

脩竹軒

不作笙簫用開花待鳳凰陰、一軒裏誰識阮生狂

南屏山

真山反如假疊徑入雲屏不借湖光洗朝、潑黛青

長橋

橋短故名長路穿雲水鄉遊人欲歸去濯足弄殘陽

慈雲嶺

峻極分南北見湖仍見江遊人倦登陟飛鳥自双双



清軒

軒壓冰壺上風生玉宇間客來清徹骨不待看山湖

西水亭

湖添秋氣淨鳥伴夕陽城沉鳴咽城笳起猶忘歸去心

山居絕句六首

曉

柴門曉初起啟晴嵐推遠峰不知何處雀踏折一枝松

夜

夜闌牕戶閉黃庭看未終西崑一聲虎四壁生清風

春

自掃松間葉冰霜一半開碧堯花未發亭待漉香醅

夏

永日琴為伴前村酒可沽松陰揀盤石赤脚踏冰壺

秋

有酒看雲飲無書燕寄回數蛩鳴敗草一葉落青苔

冬

黃昏鳥絕飛夜半猿啼切紙帳寒不眠開門數峯雪



青山集卷六終





